



UNIVERSITÄTS-
BIBLIOTHEK
PADERBORN

Universitätsbibliothek Paderborn

**... Pars Difficultatum Propositarum Eximio D. Martino
Henrico De Swaen in Universitate Lovaniensi S. T. Doctori**

Fontaine, Jacques

Coloniæ Agrippinæ, 1692

Conclusio.

urn:nbn:de:hbz:466:1-39142

C O N C L U S I O.

N Olim existimes, Eximie Domine, hæc esse universa, quæ mihi occurrerunt circà Epistolam tuam animadvertenda, & digna reprehensione; nam quædam duxi in opportunitatem proximam reservanda, præfertim ubi paucula hæc tibi non ingrata fuisse significaveris. Nolo tibi difficultatibus nimis multis simul molestus esse, quem scio pluribus hoc tempore aliundè occurrentibus negotiis distrahi, innumeris gravioris momenti casibus, & quandoque fatis perplexis occupari; ad quem enim potius, quàm ad P. Magistrum Neo-Augustiniana factio recurrat?

Si autem pacem amas Martine, si Sacerdotalem unitatem, si famam tuam, si ædificationem proximi, si scandalorum, dissensionum, sinistrarum opinionum extirpationem, quemadmodum tam importunè nobis inculcas illud millies, à te repetitum; *Teneo cum Thomistis, damno errores omnes, quos damnat Ecclesia, damno propositiones, quas Innocentius X, & Alex. VII. Cur non semel, saltem citrà juramentum in aliquâ, seu Thesi, seu Epistolâ, seu alio quovis libello dam-*
nas

inas propositiones in sensu libri , cui titulus *Augustinus Cornelii Jansenii*? Unum hoc tam salutiferis , quæ jam commemoravi , tuque tot votis hætenùs expetivisti , effectis producendis sufficiet , sine hoc nunquam obtinendis.

Hanc tam facilem , tam honestam , & à nullo probè Catholico respuendam pacis conditionem tibi aliàs obtuli , & rursùs offero ; hanc si mihi concesseris , nihil erit Martine , quod in tui gratiam vicissim præstiturus non sim. Tu mihi pro hæc tam facili conditione alias impone , quantumcumque multas , & graves , admittam , amplectar promptissimè. Sin Janseniano sensui plus deferre pergis , quam Summorum Pontificum definitionibus , conqueri deinceps , desine de savitia tuorum Adversariorum , quos ego hoc uno maximè reos arbitror , quòd nimia lenitate te , tuosque exceperint hætenùs. Quippe ex Catholicorum Theologorum silentio Jansenismus tantùm paulatim accepit virium , & incrementi , ut Episcoporum autoritate contemptâ cervicem superbè audeat erigere , atque ipsis Regibus rebellionem minitari. Jansenistarum suorum sive tuorum , Pater Magister Clientum , temeritatem repressit Rex Christianissimus , hæ-

hæresim nondum extinxit. Non defunt qui pestilentem doctrinam, etiam in ditione Gallica probent, quamvis hoc nebuloso tempore declarare non audeant. Specimen aliquod auctarii loco hic adjicio, quod involucro inclusum accepi die 20 Aprilis anni 1692.

AUCTARIUM.

„ **R**everende D. non omnes ex Gal-
 „ lo - Belgio Jansenismi fautores in
 „ exilium missos esse facilè colliges ex iis
 „ quorum te certiozem reddendum esse judi-
 „ cavi. Nosti, ut existimo Eruditissimum Do-
 „ minum Boudart olim apud Lovanienses
 „ Philosophiæ Professore & ni fallar, Sa-
 „ cræ Theologiæ Licentiatum, nunc Insulis
 „ in D. Petri Canonicum. Misit hic nuper
 „ Bruxellas ad D*** Tractatum de Virtuti-
 „ bus ut illic Typis ederetur, promittens
 „ Tractatum de Fide mittendum circà Pente-
 „ costen. En tibi laciniam Tractatus de Vir-
 „ tutibus. Ubi de veritate agitur sub titulo
 „ *An omne mendacium sit peccatum morale*, in-
 „ ducit Priscillianistas juxta quos in certis casi-
 „ bus mendacium erat licitum tum ità pergit.
 „ *Predictos Priscillianistas supergressus est versu-*
 „ *tus*

tus & malignus impostor ; varias enim Litteras mentito nomine authoris scripsit , quibus non sibi , sed INNOCENTI VIRO INPRIMIS ERUDITO ET APPRIME DE ECCLESIA MERITO , varia errata affinxit , easque litteras variis inscripsit , nominatim duobus Professoribus Facultatis Theologiae Duacensis , VIRIS DOCTRINA ET PIETATE CONSPICUIS , ut errores in quibus existimabat vel temere suspicabatur eos versari , ex responsis eorum detegeret , & inde fama & officio spoliatos à gremio almae Matris evelleret. En quot in facinore isto sunt scelera ? Verum ILLI EGREGIIS SCRIPTIS INNOCENTIAM SUAM ET INTEGRITATEM COMPROBARUNT. Verùm, inquiet impostor , bonum Ecclesiae & Academiae exigebat errores detegi. Verissime , SI SUBFUISSENT. Hoc undè illi conpertum erat , vel rationabiliter addubitabat viros illos fama & vitae integros , in errore versari ?

Verùm etsi temeraria suspicio , vel injusta suppositio vera foret , modus tamen quo usus est ad intentum pervenire , planè est iniquus.

„ In margine eorum quæ jam citata sunt , „ ita animadvertibat Autor Eruditissimus :
IL N'EST PAS DE SAISON POUR POSER CELA : IL LE FAUT OMETTRE , & mettre ce qui suit. Non est modò tempus illa ponendi ; omit- tenda sunt , & substituendum quod sequitur :

Sed

Sed occultos Lupos, inquires, indutos pelle ovium & dominicum gregem latenter graviterque vastantes, aliter invenire non possumus.

Respondet S. August. non deesse vias quibus ad eorum indaginem perveniri possit, quarum duæ sunt aliis feliciores, ut vel ab iis quos seducere voluerunt, aut ab iis quos jam seduxerunt resipiscen-
 bus, monstrantur: quod facilius fit si nefarius eorum error, non mendacibus captationibus, sed veracibus disputationibus evertatur. Ita August. illo libro contra mendaciam C. 6. & infra. Prenuncians Dominus dixit, in vestitu ovium rapaces lupos esse venturos. Nonne ibi erat locus ut hac moneret & diceret: & vos, ut eos inveniatis, assumite vestimentum luperum intrinsecus autem oves manete. Non hoc ait, sed cum dixisset: multi ad vos venient in vestitu ovium, intrinsecus autem sunt lupi rapaces, non addidit ex mendaciis vestris, sed ex fructibus eorum cognoscetis eos. Ergo non ex mendaciis suis infamis impostor, sed ex fructibus debebat lupos dignoscere ab ovibus.

„Nota etiam consequentiam istam fuisse
 „expunctam; procul dubio quia non est etiam
 „tempori huic satis consentanea: Parceqn' elle
 „n'est pas de saison.

Subdit S. Doctor: veritate sunt cavenda, veritate capienda, veritate occidenda mendacia. Absit ut mala, fallaciam imitando, caveamus.

Quo-

Quomodo enim cavebimus ejusmodi mala , si ut caveamus habebimus ? Hæc plusquam satis pro eo quod ex occasione tantum obiter tangere volui.

„Vir optimè de Ecclesiâ meritis vocatur An-
 „tonius Arnaldus Jansenistarum antesigna-
 „nus , qui rebellium Ecclesiæ partes fovet ,
 „& licet fortè multos suis contrâ Calvinistas
 „scriptis converterit . longè tamen plures suis
 „pro Jansenio Apologiis , pestifero phan-
 „tasmate , aliisque ejusmodi lucubrationibus
 „perniciosissimis pervertit , Jansenianam hæ-
 „resim ab annis quadraginta anathemate dam-
 „natam pertinaciter defendens & quaqua ver-
 „sum disseminans . Innocentes & integri decla-
 „rantur à D. Boudart tot infamium & im-
 „piorum dogmatum patroni . Hæc noverat
 „jam detecta , & tamen usque dum in exi-
 „lium Rei missi sunt , non est veritus
 „hic turbam illam malignantium defen-
 „dere , tanquam innocentem &c. Quid igi-
 „tur de D. Boudart tantæ impietatis patrono
 „censendum sit , judicio Regis Christianissi-
 „mi , Romani Pontificis , & Ecclesiæ Uni-
 „versæ cui hæc denuntiari cupio , lubens
 „reliquam.

Relinquo & ego hoc Testimonium ac re-
 linqua omnia , non tantùm Ecclesiæ sed etiam
 cujusvis non præoccupati arbitrio.

Ina-